

КАНОН ПЕРЕД ИКОНОЮ ПРЕСВЯТОЙ БОГОРОДИЦЫ ВЪЗЫСКАНИЕ ПОГИБШИХ

Память празднуем 5 (18) февраля

Тропарь, глас 7-й

Рáдуйся, Благодáтная Богорóдице Дéво, во объáтиях Свои́х Превéчнаго Младéнца и Бóга носившая, проси́ Его дáти мiру умирéние и душáм нáшим спасéние. Сын бо Тебé, Богомáти, вещáет, я́ко вся прошéния Твоя́ во благоé испóлнит. Сегó рáди и мы, припáдающе, мóлимся и, надéющися на Тя, да не погiбнем, iмя Твоé имену́ем: Ты бо еси́, Влады́чице, Възсы́кание погiбших.

КАНОН, глас 4-й

Песнь 1

Ирмос: Отвэ́рзу уста́ моя́, и напо́лнятся Дúха, и слóво отры́гну Цари́це Мáтери, и явлю́ся свéтло торжествúя, и воспóю рáдуясь Тоя́ чудесá.

Припев: Пресвятáя Богорóдице, спаси́ нас.

Умилосéрдися о нас, грéшных, погибáющих, Пресвятáя Богорóдице, но вмéсто печáли дáруй нам рáдость, да воспевáем Тя, Всесвятáя Влады́чице.

Пресвятáя Богорóдице, спаси́ нас.

Утиши́ душ нáших свирéпство, понéже мно́гия скóрби и печáли нападóша на нас, грéшных, да не погiбнем во зле, окаяннии.

Слава: Ты еси́ нáша крéпость и утверждéние и от врагóв защищéние, и сегó рáди не боiмся вра́жия навéта, но при́сно поём Тя и слáвим, Всеслáвная.

И ныне: Напáсти, и бéды, и скóрби мно́ги приидóша на нас и отяготи́ша нас, и от всего́ сéрдца мóлим Тя, вопию́ще: избáви, Богороди́тельнице, от обдержáщих нас зол и весéлия испóлни.

Песнь 3

Ирмос: Твоя песнословцы, Богородице, Живый и Независтый Источник, лик себе совокупльшия духовно, утверди, в Божественней Твоей славе венцев славы сподоби.

Пресвятая Богородице, спаси нас.

Ты еси теплая Предстательница и твердое заступление, избави нас, Всесвятая, от нашедших на нас напастей, Ты бо еси, Владычице, падших исправление.

Пресвятая Богородице, спаси нас.

Избави нас, Пречистая, от напастей, и бед, и омрачения душевного, и уныния, вся страсти отжени от нас, Чистая, да присно Тя славим.

Слава: К Тебе притекаем, Пречистая, не презри наша болезни и воздыхания, но призри на нас, сущих в скорби, и сию нашу печаль на радость преложити, Богоблаженная.

И ныне: Виждь, Владычице, беду нашу и скорби, яко в тех лукавый враг поглотити нас тщится, но Ты, Пречистая, препни его злострое коварство, да, избавльшися, славим Тя, твердую Заступницу за ны, во гресех погибающих.

Господи, помилуй (трижды). Слава, и ныне:

Седален, глас 2-й

Моление теплое и стена неборимая, милости источник, миру прибегшище, прилежно вопиём Ти: Богородице, Владычице, предвари и от бед избави нас, Единая, вскоре предстательствующая.

Песнь 4

Ирмос: Седя в Славе на Престоле Божества, во облаце легце, прииде Иисус Пребожественный, Нетленною Дланию, и спасе зовущия: слава, Христе, силе Твоей.

Пресвятая Богородице, спаси нас.

Ты еси, Пречистая Дево, надеждо и утверждение наше нерушимое, и лютых бед освобождение, и от печали утешение, и душ наших просвещение, и во уповании нашем непоколебимый столпе.

Пресвятая Богородице, спаси нас.

В сих печалех буди сладкое утешение, и в бедах скорая Помощница, и в молитвах Предстательница, Ты бо, Мати Божия, стяжавши, от всяких бед избавляемся и ко спасению Тобою наставляемся.

Слава: Ты еси, Пречистая Дево, сущим в бедах прибежище, немощным помогаеши, грешных исправляеши и ко спасению наставляеши, яко Мати Божия сущая.

И ныне: Судии обидящих, и побори борющихся нас, и от напрасного оскорбления избави нас, осужденных, яко Ты Судию Праведного родила еси, Всенепорочная, Иже хочет судити комуждо по делу его.

Песнь 5

Ирмос: Ужасошася всяческая о Божественной славе Твоей: Ты бо, Неискусобрачная Дево, имела еси во утробе над всеми Бога, и родила еси Безлетного Сына, всем воспевающим Тя мир подавающая.

Пресвятая Богородице, спаси нас.

Преклонися к мольбам рабов Твоих, Владычице, и не закосни избавити нас от всех скорбей и бед, яже обдержат нас, видимых и невидимых врагов отжени от нас, да не зле погибнем, окаяннии.

Пресвятая Богородице, спаси нас.

Ты в напастех и скорбех милостиво защищаеши, иже под кров Твой прибегают; прими, Пречистая, и наше сие милое от унылаго сердца моление, да не зле в отчаянии погибнем.

Слава: Милостивым и кратким оком, Богородительнице, и милосердием Твоим призри на нас, недостойных, и от обстоящих напасти нас свободи, призывающих Тя на помощь, Всепречистая.

И ныне: Первозданный Адам и Ева Тобою, Владычице, избавистася от слез, с ними же и нас, припадающих и молящихся Ти, избави слез, печалей и скорбей и подаждь полезное нам утешение о Боже, Спасе нашем.

Песнь 6

Ирмос: Божественное сие и всечестное совершающе празднество, богомудрии, Богоматере, приидите, руками восплещим, от Нея рождаемого Бога славим.

Пресвятая Богородице, спаси нас.

Услыши печальный вопль раб Твоих, требующих помощи Твоея, Богомати, Ты бо еси упование наше, потщися печаль нашу на радость преложити.

Пресвятая Богородице, спаси нас.

Избави нас, Владычице, от языка лстива и от человека неправедна изми нас, вся бо Ты можешь, яко Мати Зиждителя нашего сущи.

Слава: Вемы Тя, Богоблагодатная, скорое погибших взыскание, нас, немощных, крепость и утверждение; духом, усты и сердцем зовем Ти: от напастей и печали свободи нас, Владычице, к Тебе прибегающих.

И ныне: Избави нас от напастей и бед, Богоневесто, Ты бо устрои Бог на спасение и заступление наше Ходатаицу, сего ради и нам, недостойным, исходатайствуй от печали избавление.

Господи, помилуй (*трижды*). Слава, и ныне:

Кондак, глас 6-й

Предстательство христиан непостыдное, ходатайство ко Творцу непреложное, не презри грешных молений гласы, но предвари, яко Благая, на помощь нас, верно зовущих Ти: ускори на молитву и потщися на умоление, предстательствующи присно, Богородице, чтущих Тя.

Песнь 7

Ирмос: Не послужиша твари богомудрии паче Создавшего, но огненное прещение мужески поправше, радовахуся, поюще: препетый отец Господь и Бог, благословен еси.

Пресвятая Богородице, спаси нас.

Ты еси, Пречистая Дево, Покровительница наша и непрестанное радование душ наших, не презри нас, одержимых лютою бедою и неутешимою печалию, но заступи и помилуй рабы Твоя.

Пресвятая Богородице, спаси нас.

Ты еси крепость наша, Пречистая Владычице, и в наших нечаемых скорбех утешение, и сего ради мы, недостойнии раби Твоя, всенадежно вопием Ти: помилуй нас, падших.

Слава: Исцели душевныя язвы, Владычице, и заступи нас, рабов Твоих, избави нас от пагубныя сети лукаваго, от всякаго падения и от развращения изми нас, Преблагословенная.

И ныне: Сокруши советы неправедныя, иже изошрены суть на ны, мы бо инья помощи не имамы, разве Тебе, Чистая, и к Тебе прибегаем: непусти погибнути, яко вся Тебе возможна суть.

Песнь 8

Ирмос: Отроки благочестивыя в пещи Рождество Богородичо спасло есть; тогда убо образуемое, ныне же действуемое, вселенную всю воздвизает пети Тебе: Господа пойте, дела, и превозносите Его во вся веки.

Пресвятая Богородице, спаси нас.

Души наша сохрани под кровом Твоим, Преблагословенная Богородице, и от различныхлежащих на нас бед и скорбей избави нас, да не порадуется враг наш о нашей гибели, но да славим Тя, Божию Матерь, во веки.

Пресвятая Богородице, спаси нас.

Убоихомся помощи человеческия искати, прибегахом к Тебе, Всенепорочная, Ты еси Хранительница христианом, днесь к покрову притекохом, надеяся на милость благоутробия Твоего; матерински помилуй нас, да славим Тя во веки.

Слава: Ты еси Пречистая Дево, просвещение и избавление, Ты еси Помощница наша всерадостная и стена нерушимая, слава и хвала наша, Всенепорочная, да прославим Тя во веки.

И ныне: На Тя всю надежду спасения нашего возложихом, Неискусобрачная Богородительнице, и на помощь призываем Тя: спаси нас от печали сия и напасти

и от всех скорбей избави нас, да славим Тя во веки.

Песнь 9

Ирмос: Всяк земнородный да възграется, Духом просвещаемь, да торжествует же безплотных умов естество, почитающее священное торжество Богоматере, и да вопиет: радуйся, всеблаженная Богородице, Чистая Приснодево.

Пресвятая Богородице, спаси нас.

Изше, яко скудель, от печали крепость наша, и ко аду приближимся; от язык душепагубных предварий, Мати Божия, заступлением Твоим и от обдержавших нас скорбей рукою, Мати, Твоею избави нас, да славим Тя, Чистая Приснодево (*дважды*).

Слава: Всенепорочная Отроковице, всем верным крепкая Помощнице, и упование христианом, буди и о нас неотступная Молébница к Сыну Твоему и Богу о освобождении от нашедших сия напасти да вопиём Ти: радуйся, Чистая Приснодево.

И ныне: Ты еси крепость наша, прибежище и стена неборимая, Ты еси теплая к Богу Молитвенница, всяких напастей и бед свободи, Единая Благословенная, да вопиём Ти: радуйся, Преблаженная Богородице, Приснодево!